

中華全
風俗志

許世英
署



中華全國風俗志 上篇卷一

▲順天

●總志

順天府屬州縣二十有四。星羅棋布。壤接趾錯。風尚不殊。然諺云。百里不同風。千里不同俗。霸文偏於南。與保定河間相似。昌密偏於北。與宣化永平相似。寶甯富庶。俗尚奢靡。平懷狹隘。民情弇鄙。大同之中。不無微判。爰甄其岐尚者。著於篇。以備在位者。問俗采風。於以補偏救弊云爾。

順天戶口繁富。民風篤實。加以地多磽薄。人近樸陋。距京師數十里。卽棲茅啜菽。一如窮鄉僻壤。西北多山。民習勤苦。東南多水。民憂汜濫。惟通州武清。下接津沽。近年各國通商。輪舶翔集。大編長舸。百貨薈萃。民食其利。富厚日形。然華而不靡。勤而不惰。知得於觀感者深矣。州縣志類多追述前徽。有可諷世勸民者。如寶坻洪志曰。知縣洪肇楙。適軍糧城。失路。見一樵者。遣役問之。掖至輿前。問曰。此何地名。曰。不知爾。

住何莊曰。不知爾何姓名。亦曰。不知。蚩蚩木立。洪笑而釋之。去數武。復佇望而笑。洪歎曰。甚哉。民之醇也。其不見官吏也久矣。宜其始則茫茫然驚。繼則嘻嘻然樂也。美哉俗乎。范書載劉寵爲會稽太守。狗不夜吠。民不見吏。龐眉皓髮之老。未嘗識郡朝史之所稱。豈不懿哉。若夫役繁訟多。終歲之勤。半在官府。雖欲其愚。不可得矣。永清周志曰。東鄉濱河。河東韓邨陳各莊一帶。地土磽瘠。多沙城。不宜五穀。居民率種柳樹。柳之大者。伐薪爲炭。細者折其柔枝。編緝柳器。貧民往往賴之。凡採柳在夏秋之交。早則液潤而天遲。則疎燥而強。皆不中於束縛。大者爲筐。可容石許。小者或類盤盂。方圓徑二寸。量其工力繁約。而計其直。業編柳者。審地爲室。篝火其中。不知時日早暮。蓋治柳枝。必先柔之以水。剝其青膚。瑩白如蕙。乃可屈曲。見風則脆而折。故就審室成之。老幼男婦。窮日所爲。八口乃可給也。橫上居民。專以織柳爲升斗量器。良易售。云是有巧術。鄉黨相約。不得授法於女子。恐女子嫁別邨。轉授夫壻。爭其業也。東安李志曰。俗尙文雅。人多技藝。沈鷺而有材力。重許諾。矜豪俠。質性厚重。香

河劉志曰。喪家延僧衆。作佛事。以薦亡者。道場或三日。或五七日。畢。送僧觀錢。僧必以十分之二。送還主家。凡土木工匠。日久亦然。至今如此。亦醇風之一端也。三河陳志曰。賓至則壺酒盤殮。絕無兼味。卽縉紳富室。亦略無靡麗。其習俗使之然也。甯河丁志曰。甯邑人多撲拙。然終歲勤動。游手好閑者絕少。各項工作。所操藝事。僅能成器備用。無有以近巧名者。而沿河莊戶。皆以結魚網爲業。得微利。少可自贍。耕種之區。親饁餉。佐耘耔。率以爲常。城薄下溼。地晝取茅。夜索絢。不減幽風景象。邇更勤於紡績。司中饋畢。聚家之老幼。姑率其婦。母督其女。篝燈相對。星月橫斜。猶軋軋紡車聲達戶外也。昌平宋志曰。士則務實學。尙樸質。貧者多耕以自養。舊志所謂足迹不入公庭。耳目不交市儈。非虛語也。農則山居之民。以果樹爲業。山外者。專務力田。然素鮮蓋藏。一遇凶年。支絀立見。房山佟志曰。城內不乘輿馬。無貴賤少長。出則於郭外乘之。入則至郭外。下輿馬步。婚姻不擇財勢。惟擇舅姑與壻之賢者相締。邇來有尙財勢。而晚多敗棄者。邑人每以爲戒。遇喪葬。務盡哀合禮。不以觀美爲悅。祭奠

盡誠。不以牲醴錯陳爲豐。賓客會飲。將敬而已。不以華綺重簋。互相炫燿。但醉狂豪呼。時露悲謔慷慨之慨。不特貧賤單族。服飾不尙侈靡。卽富貴之家。祇期莊雅爲佳。較京師之繁褥。良涿之浮夸。稱最朴焉。一切器物。但取堅質適用而已。不以雕鏤金玉相競尙。渾噩之氣。獨留于巖邑。霸州周志曰。州西地皆平衍。民樹桑棗。勤耕織。然當諸河之衝。頻罹水患。東多水鄉。饒魚鹽蘆葦之利。南汙下沮洳。不得耕播。民多業漁。其俗樸野。愚鈍。屈強。不肯屈折。每秋水泛濫。多棄業攜家徙別所。郡北沙薄不宜穀。民種榆柳。植瓜果。與諸屯接壤。有軍衛風。保定成志曰。敦好禮義。崇尚廉恥。婚姻以時。隨其貧富。喪祭惟禮。稱其有無。錢糧如期而納。訴訟輸誠而理。不事浮靡之習。頗有篤實之風。其事均有足傳者。

冠禮。士大夫家。子弟十六。父命加冠。或岳丈爲壻加冠。

良鄉楊志

婚禮。先遣媒妁問名。取女年庚合婚。亦有男女親長作保親者。不以合婚。謂之撞婚。通州高志。擇吉具紅柬。央媒衣冠上門。四拜獻柬。薊州沈志行定禮。用釵釧綉帛。及羊酒果餅。

等物。將娶行聘禮。用衣飾及羊酒果餅等物。俗名下茶。又名過禮。將娶先期。壻家備禮物及雞席。送女家。曰催粧。女家送粧奩。仍以雞席歸壻家。曰鋪牀。粧奩豐儉。各稱其家。前一日。曰花燭。男女家俱有戚友。備禮稱賀。各設古席款待。通州高志娶之日。男子親迎。陳設燈燭。鼓吹至女家。女家爲備酒醴。敬迎。謂之喜筵。燕畢。女至壻家。夫婦同拜天地。行合巹禮。固安陳志娶之次日。女家送果品等物。曰點茶。三日復送席。曰餽飯。娶後幾日。行廟見禮。女家親戚咸往壻家。曰會親。九日。女家迎壻女至家。曰回門。九十八日。女家親戚咸往壻家。曰作雙九。或女家復迎壻女至家。曰回雙。回九及一月。女家迎壻女至家。曰住對月。或壻先返。擇日送女歸。通州高志

喪禮。初喪。辟踊哭泣。扶尸于牀。覆衾其上。懸紙馬紙錢於門。固安陳志詣五道土地等廟。焚燒紙求魂。三日始殮。良鄉楊志屬纊含斂。男括髮。女去頭飾。乃成服。告於鄉社之廟。日三次。三日乃止。謂之報廟。書死者姓氏年月。榜於門。謂之殃榜。固安宋志訃告親族。飯用不熟者含。孝子衰麻。哭無時。一日。合家不舉火。不食。孝子浴親尸。而置米鹽錢物於

棺內殮入棺。柩停院中。上覆以棚。親友皆臨弔。孝子稽顙答拜。每逢七日。必備筵奠。

謂之做七七者。戚也。

固安志

世俗多修佛事。士大夫家亦有遵行文公家禮者。

東安志

踰

月而葬。或有停喪至數年者。及殮葬。富者蓋席爲棚。家祭請題主。祠后土。以文武甲

第主之。

固安志

發引前一日。戚友賻弔。曰封靈。士大夫家延庠生行遷柩禮。發引日。喪

家或用僧道。士大夫家或用庠生於途。行遣奠禮。戚友束帛素服送殯。或設路祭。或

設祭品於墓所。曰山頭祭。

通州志

喪家散孝。有孝袍孝帽。貧者設奠而已。亦設孝帽。

固安志

葬實土。或墳封而不樹。三日。孝子增築新土。謂之圓墳。亦謂之煖墓。

通州志

至清明

日。必填墳。持喪二十七月。百日不薙髮。遵制與京師同。

固安志

送喪有擬司會。以其法

度整肅。擬于官司也。鄉人或二三十人。多寡不等。各爲一朋。每朋推年尊者三人爲

長。次又推一人爲主事者。司出納。衆咸聽約束。一會各出銀錢。主事收掌。遇各人及

親識有喪。則約齊於晡時往弔。量出會錢。以爲奠賻。謂之坐宿。發引時。各具幡幢會

送。凡行禮。坐立皆以齒。拜跪參差者有罰。冠裳秩秩。少長隨行。殊可觀也。

順義志

祭禮。士大夫家。凡有廟堂者。祭於廟堂。無廟堂者。室中設一龕。奉神主。逢節祭拜。朔望焚祝。出入祇告。四時供鮮。生子娶婦諸事。必祭之。良鄉志清明節。祭掃先塋。懸掛紙。放起花。奠於墓所。比戶皆然。同集家廟。廣設几筵。合族會食。歡洽竟日。亦有取次分門。在家會飲者。七月十五日。獻麻谷。十月一日。送寒衣。除夕。新節。元旦。懸像設供。家致祭。遇祖先忌日。請主在堂。具牲醴。舉家拜奠。三年服闋。肅賓相。備獻儀。祝告先靈。易凶從吉。不煩不怠。猶有古風。甯河志歲時。正旦。五更時。農家秣耜一節。擘開。依次挖十二孔。以配十二月。卽以大豆十二枚。置其中。線纏合之。質明開視。數至某月。豆漲大。則某月多雨。無不驗者。清晨牽驢一頭。隨喜神方位。驅之。謂之迎喜神。固安志祀神祇。先換新衣。謁官師。拜尊長。親識往來交拜。候陰晴。觀日色。以占年月。歲豐歉。預治餼蔬。三日內。不煮生。不煎炒。迎喜神貴神。良鄉志初二日。每家於祖塋。焚紙錢。行四拜禮。固安志初七日。日。攜酒登高。良鄉志自一日至十日。以陰晴卜六畜人穀菜果之豐耗。三河志元夕。好事者。先期按戶斂錢。爲燈燭費。謂之燈會。固安志十五至三十里。二泗

娘娘廟有廟場香會。

通州高志

十六日爲耗磨日。宜飲酒。忌開倉庫。

東安李志

久患眼疾。以艾

炙瓦窰卽愈。

房山修志

二十五日俗以爲倉官誕辰。用柴灰攤院落中。爲囿形。或方或圓。

中置爆竹以震之。謂之漲囤。又謂之填倉。

永清周志

二月初二日。龍抬頭節。人家以石灰

引白龍。入以小灰引黑龍出。亦有以小餠食祀者。

甯河丁志

以水和麵如粥。置油於釜。熟

食之。名曰煎餅。

固安陳志

自初一至初三。各置土地廟。演戲祀神。十九日北壩菩薩廟有

廟場香會。

通州高志

三月三日。病創者。多以長流水洗之。卽古人修禊遺意。

涿州吳志

初二日。

孤山廟有廟場香會。

通州高志

清明。各祭於先塋。加新土。供牲醴。焚紙錢。祭畢。乃燂饌。享

餽餘。少長咸集。謂之清明會。

固安陳志

有喪之家。三年內。於春首戊寅日以前。祭新墳。不

過天赦日也。

通州高志

自十七至十九。楊富店娘娘廟有廟場香會。

通州高志

二十六日。俗稱

爲本縣城隍生日。相率賽會。奉神像。導以鼓樂旗旛。迎於街。及廟而止。

永清周志

二十八

日。俗爲東嶽誕辰。州人詣北關東嶽進香。

涿州吳志

留台光三元宮廟會。

房山修志

自二十七

至二十九。東嶽廟有廟場香會。

通州高志

穀雨。貼逐蝎圖於壁以壓之。

東安李志

四月。自初一

至十五。宏仁橋娘娘廟。張灣廣福寺。俱有廟場香會。通州高志俗不養蠶。婦人無事。自初

春時。卽治秋令衣服。必於此月告竣。固安陳志初八日。登崆峒山。賽崔府君神。薊州沈志十八

日。天開娘娘廟會。房山修志登五名山。賽聖母會。薊州沈志草寺娘娘廟有廟場香會。通州高志二

十六日。本縣城隍生日。賽會。順義黃志二十七八日。城內外四處藥王廟。有廟場香會。通州高志

高志男女上廟進香。絡繹於道。東安李志北闕九神廟。有廟場香會。通州高志五月初一日。本州

城隍。自四月晦日。至初一日。廟場香會。里二泗娘娘之廟。亦於初一日。有廟場香會。

通州高志端午日。城邑皆佩艾葉。飲雄黃酒。食角黍。親友交餽。邨中第食角黍而已。固安陳志

繫采絲於小兒背。謂之長命縷。東安李志十三日。爲關帝誕。自初一至晦日。王恕園關帝

廟。有廟場香會。通州高志夏至。戴草麻子葉。長命菜。卽馬齒莧也。涿州吳志六月六日。汲水浸

物。經久不壞。三河陳志曝書及衣服。爲冰雹會。固安陳志曝衣。通州高志農家以土穀神掛於地頭。

名曰掛土地頭。香河劉志十七日。俗稱本州城隍誕。有廟會。通州高志二十三日。賽火神廟。薊州

沈志二十四日。爲分龍會。固安陳志七月七日。婦女乞巧。投針於水。借月影以驗工拙。良鄉楊志

至夕。設瓜果酒脯。祭織女。

固安陳志

十五日。作盂蘭會。放河燈。

固安陳志

或於衢路。曰旱道燈。

東安李志

攜楮錢。登隴墓。祭奠。

固安陳志

八月二十八日。城隍誕辰。賽會。

薊州沈志

九月九日。鄉農

散工。開六畜欄。牧于田野。

三河陳志

冬至日。行釋菜先師禮。懸像。或設主。師生以次肅拜。

奠獻畢。敬徹像。主則跪焚之。

固安陳志

弟子拜先生。窗友交拜。謂之拜冬。

固安陳志

臘月八日。臘八

粥。必於五更以前食之。俗傳食粥早。則五穀之收成亦早。

固安陳志

除日。各隨家之貧富。

豫備酒餚果物。以給新歲之需。易門神桃符。貼春聯。以祓不祥。居喪之家。必登門拜

之。謂之拜孝年。至朝。則日高三丈。猶閉戶不出也。

▲ 山東

● 濟南

泰山之陽則魯。其陰則齊。帶礪山海。高壤數千里。宜五穀桑麻。多文采布帛魚鹽。其

俗寬緩闊達。而足智。好議論。地重難動搖。

史記

俗彌奢。織作冰紈繡綺純麗之物。號爲

冠帶衣履天下。

漢書

齊部舒緩養名。

漢書朱博傳

水道遒勁而急。故其民粗而好勇。管子齊郡

風俗。男子多務農。崇尚學業。

隋書

齊固爲文學之國。然亦以朋比夸詐。見於習俗。

曾鞏

齊州詩序

濟南人敦厚。闊達多大節。

元程口

遂堂記

歷城縣

重農桑。崇學業。樂輸將。敦氣節。其大較也。而四鄉三關。風尚各異。南鄉務

耕牧。椎魯畏法。而近關雜處。人多剽悍。東鄉習耕讀。聰察善訟。俗號殷富。士多出仕。

而近關者。稍樸鄙。西鄉亦務稼穡。知誦讀。近關之士。多雅秀而文。然稍失之華。北鄉

則專治畦圃。敦樸無他營。最爲近古。

邑志

章邱縣

關廂士民雜居。商賈輻輳。營機利。多駟駘。西錦平曠。俗勤耕作。東北爲清

平鄉。多業桑蠶。成織紗絹。爲利不貲。南則東錦。清河上下。菱芡葦蒲。均資其利。西南

夾山而居。卽依山爲業。士知讀書。好吟咏。女勤織紡。奮節義。

邑志

鄒平縣

民業農桑。士知禮義。性儉樸。居處不事商賈。婦女蠶桑之外。兼務紡績。婚

娶視家豐嗇爲禮。喪葬頗崇外飾。

邑志

淄川縣

自昔崇尚經術。敦勵名節。今其俗猶循禮讓。急租賦。爵名詞翰。甲於他邑。

歲時伏臘。尚不失先民遺義。而喪葬則專事繁華。邑志

長山縣 民無遊惰。務農桑而輕貿易。士絕奔競。尚文學而重婚姻。邑志

新城縣 文學彬彬。甲於他邑。民朝免襁負。夕秉耒耜。無敢淫佚。婦則布襦蓬首。操作恐後。士吮呶唔。嚴尚師友。薄婚娶而厚於喪禮。重交際而儉於居恆。殆古風之猶存者。邑志

齊河縣 士大夫崇尚禮讓。不事干謁。庶民男耕女織。茹藿被毳。少有牽牛服賈於遠方者。嫁娶喪葬之禮秩秩。由舊士口口口不務紛華。口修之暇。門外口力於南畝。淳朴之風。亦概可見矣。邑志

齊東縣 貴禮尚義。長老有勤儉之範。予弟多絃誦之風。見劉敏中齊東學記婦女務蠶績。一

切公賦。終歲經費。多取辦於布綿。邑志

濟陽縣 士好經術。矜名節。民務農桑。負意氣。婚喪相助。獎善嫉惡。不遺餘力。猶爲

直道而行者。邑志

禹城縣 祝阿縣俗。賓婚大會。餽饌雖豐。至於蒸膾。嘗之而已。多則謂之不敬。共相

誚責。此其異也。

見隋書

作息隨朝暮耕鑿。供飲食。農餘恣譌謔。擊壤忘帝力。恍如唐虞

民。那知齊魯域。

見任宗美詩

臨邑縣 生齒繁盛。習尚淳龐。地無遺利。人貫貿易。隣里親黨。洽比一堂。疵賤不受

非笑。尊富不事矜夸。詩書之業。比屋彬彬。絃誦之音。噉於絲竹。士多知恥。罔事干

謁。男耕女織。外內克勤。急公趨賦。無用督責。

俱見縣志

長清縣 淳厚不佻。男多愿慤之行。女無豔冶之飾。薦紳多高尚。士厲廉隅。甘退讓。

有古禮教之遺。民務樵采。種菜茹。勤紡織。皆有事畎畝。以自食其力。無輕去其鄉者。

又其俗急公賦。而拙於生殖。冠婚喪祭。各成禮弗爲鄙嗇。而財用較他邑獨貧。古所

稱士敦工樸。商慤女□。庶幾近之。

邑志

陵縣 平原故址。其地無高山厄巒。其野少荆棘叢雜。馬頰高津。經流直下。無委

蛇旁分之勢。故其人情。亦平坦質實。機智不生。北近燕而不善悲謔。南近齊而不善

誇詐。民醇俗茂。□幅無華。

見邑志序

德州 當水陸之衝。五方雜揉。語言嗜好。亦區以別。齊魯風教猶存。故士重廉

恥。敦禮義。庸人婦女。亦知盡孝。仗節。人文颺起。名卿蟬聯。實甲山左。俱見州志

德平縣 人尙忠勇。家業農桑。風俗淳厚。惜其小民。猶有頑梗。好訟者。邑志

平原縣 崇孝弟。惜廉恥。畏刑辟。習儉素。鄉之長老。多厚重謹愿。讀書敦本。實其仕

進。卒砥礪名節。農工商賈。皆務敦篤。不敢犯非分。婦人亦慎內閑。而修女職。無論貧

富。於古蓋庶幾焉。惟婚嫁喪葬。專事華靡。邑志

● 兗州

周以少昊之墟。封伯禽爲魯侯。其民有聖人之教化。瀕洙泗之水。其民涉渡。幼者扶老者。而代其任。俗旣益薄。長老不自安。與幼少相讓。故曰魯道衰。洙泗之間。斷斷如也。孔子乃修六經。以追述唐虞三代之道。弟子受業而通者。七十有七人。是以其民好學。尙禮。義重廉恥。他陋民衆。頗有桑麻之業。無林澤之饒。俗儉嗇。愛財趨商。

賈好訾毀。多巧僞。喪祭之□□備實寡。然其好學。猶愈於他俗。俱漢書□人重織作機。

杼。□□□□唐李白詩人務耕桑。樸而不華。有古風趣。圖經兗州舊界。介於河濟。地非險固。□

雜數國秦漢以降。政理混同。人情樸厚。俗有儒學。文獻通考

滋陽縣。士風和厚。雍容不事奔競。民亦畏法。爲狙詐習婚喪從儉。衣服布素。有先

王之遺。邑志

曲阜縣。韓宣子謂周禮盡在魯。漢高祖謂守禮義之國。今時代雖遠。而冠婚喪葬。

一稟典禮。古道犁然。宛乎周情孔思焉。邑志

寧陽縣。士敦禮讓。勤詩書。不事虛名。非公事不履縣庭。衣冠咸尙朴質。尤急公輸

稅。以爲齊民倡。君多椎魯。家務耕鑿。邑志

鄒縣。鄒人東近沂泗。多質實。南近滕魚。多儔俠。西近濟甯。多浮華。北近滋曲。多

儉嗇。邑志

泗水縣。周孔之教。衣被獨多。士廉而樸。不習進趣。民質而惰。不善蓋藏。四民之業。

農居六七。賈居一二。婚姻稱家。烝嘗燕會。奢儉得中。邑志

滕縣 自齊封田文於薛。爲孟嘗君。而好士。招天下任俠姦人入薛中。六萬餘家。

故其俗多桀。驚子弟。漢興。叔孫通明禮樂。諸弟子共口。於是翕然大變。彬彬乎鄒魯之舊矣。邑志

嶧縣 簡樸務稼穡。士亦循循慕學。有古風。嶧故鄙小。春秋以降。逮於明季。變更

不一。其質直懷義。類魯。其寬緩闡達。類齊。其輕剽任氣。類楚。雖洙泗之教。猶在人心。

而遷染於諸國者。亦多有之。邑志

金鄉縣 地大人稠。俗樸風古。見方輿勝覽士專絃誦。民務耕鋤。厚重似西北。而不傷於

僿。文采似東南。而不傷於侈。邑志

魚臺縣 古之方輿。壤接豐沛。在漕河之旁。地多沈斥。其俗謹厚畏法。詞訟甚簡。嫁

娶省約。不論財賄。見郡邑志

濟甯州 士俗古遠。風流清高。賢良間生。掩映天下。君子以才雄自高。小人則鄙野